



18

19206/23

Broj: 06-11-5514/23-4
Ilidža, 08.09.2023. godine

Na osnovu člana 70.i člana 87. Zakona o javnim nabavkama Bosne i Hercegovine («Službeni glasnik BiH» broj 39/14 i 59/22), i preporuke Komisije za javne nabavke, donosi se

O D L U K A
O IZBORU NAJPOVOLJNIJEG PONUĐAČA ZA JAVNU NABAVKU BROJ 88/23

I

Prihvata se preporuka Komisije za javne nabavke broj **JN 88/23 Mjesečno održavanje i konsultacije te davanje stručnih mišljenja za informacioni sistem Općine Ilidža** kojom se ponuda ponuđača FIXIT d.o.o. ul. Zaima Šarca br. 34, Sarajevo, čija cijena ponude bez PDV –a za iznosi 10.900,00 KM, proglašava napovoljnijom.

II

Ponuđač FIXIT d.o.o. , obavezan je u roku od pet dana od dana prijema ove odluke, Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama BiH.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

IV

Istovremeno sa dostavljanjem ove Odluke ponuđaču, ista će se objaviti na web stranici Ugovornog organa.

Obrazloženje

Postupak javne nabavke broj **JN 88/23 Mjesečno održavanje i konsultacije te davanje stručnih mišljenja za informacioni sistem Općine Ilidža**, putem konkurentskog zahtjeva za dostavu ponuda pokrenut je Odlukom o pokretanju postupka nabavke broj: 06-11-5514/23-1 od 14.08.2023. godine. Javna nabavka objavljena je na portalu javnih nabavki brojem obavještenja 888-7-216-3-205/23 od 18.08.2023.godine. Do datuma određenog kao krajnji rok za prijem ponuda, pristigle su slijedeće ponude:

Rbr.	Broj protokola	Naziv/ Ime ponuđača	Ukupna cijena ponude (bez PDV-a)
1.	06-11-5514/23-2	FIXIT d.o.o. Sarajevo	24.000,00
2.	06-11-5514/23-2	KODEKS d.o.o. Sarajevo	23.820,00
3.	06-11-5514/23-2	MIBO KOMUNIKACIJE d.o.o. Sarajevo	24.000,00
4.	06-11-5514/23-2	ARTCO GROUP d.o.o. Sarajevo	24.000,00

Nakon pregleda i analize ponude Komisija je odbacila ponude ponuđača KODEKS d.o.o. Sarajevo i ARTCO GROUP d.o.o. Sarajevo kao neprihvatljive. Naime, ARTCO GROUP d.o.o Sarajevo je neprihvatljiva jer ponuđač nije ispunio kriterije za kvalifikaciju iz tačke 2.4.1 c) i 2.4.2 c) tenderske dokumentacije. Naime, tačkom 2.4.2 c) tenderske dokumentacije je



definisano da ponuđač kao dokaz dostavi Izjavu da će imati na raspolaganju najmanje jednu osobu koja je osposobljena iz oblasti mrežnih sistema ili serverskog okruženja: CCNA R&S (Cisco Certified Network Associate Routing and Switching) ili ekvivalent, MCSA: Office 365 ili ekvivalent i MCSA: Windows Server 2016 ili ekvivalent., a ponuđač ARTCO d.o.o Sarajevo je dostavio Izjavu da će imati na raspolaganju tri osobe koje su osposobljene iz oblasti mrežnih sistema ili serverskog okruženja, bez da je naveo kojih/kojeg, dakle nije naveo za koje mrežne sisteme ili serversko okruženje su osobe osposobljene kako je zahtijevano tenderskom dokumentacijom (CCNA R&S (Cisco Certified Network Associate Routing and Switching) ili ekvivalent, MCSA: Office 365 ili ekvivalent i MCSA: Windows Server 2016). Dalje, naprijed navedeni ponuđač je u prilogu nepotpune izjave za tačku 2.4.2 c) dostavio certifikate koji nisu zahtijevani tenderskom dokumentacijom. Zbog naprijed navednog razloga ponuda ponuđača ARTCO GROUP d.o.o Sarajevo je neprihvatljiva.

Ponuda ponuđača KODEKS d.o.o Sarajevo je neprihvatljiva jer nije ispunio kriterije za kvalifikaciju iz tačke 2.4.1 a) i 2.4.2 a) tenderske dokumentacije. Tačkom 2.4.1 a) kao uslov je definisano da ponuđač treba imati uspješno iskustvo u realizaciji najmanje jednog ugovora, u posljednje tri godine čiji je karakter i kompleksnost isti ili sličan onima koji se odnose na predmet javne nabavke, čiji je zbirni iznos minimalno 24.000,00 KM bez PDV-a, a ocijena tehničke i profesionalne sposobnost iz tačke 2.4.2 a) tenderske dokumentacija će se izvršiti na osnovu **spisaka izvršenih ugovora** u posljednje tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrdama izdatim od druge ugovorne strane o **uredno izvršenim ugovorima**. Potvrda o uredno **izvršenim** ugovorima mora sadržavati sljedeće podatke: Naziv i sjedište ugovornih strana ili privrednih subjekata; Predmet ugovora; Vrijednost ugovora; Vrijeme i mjesto izvršenja ugovora; Navode o uredno **izvršenim** ugovorima. U skladu sa definisanim uslovima kao dokaz ponuđač KODEKS d.o.o Sarajevo je dostavio spisak izvršenih ugovora u posljednje tri godine i tri potvrde potvrde kako slijedi: potvrdu u uredno izvršenom Ugovoru br. 001/1/23 od 04.01.2023.godine izdate od ASA MEDITECH d.o.o u kojoj je sadržan podataka da je usluga koje je predmet javne nabavke izvršena u periodu od 04.01.2023.god do 31.12.2023.godine i produžava se automatski za još 12 mjeseci, dalje, potvrdu o uredno izvršenim ugovorima izdate od strane KONTO UP d.o.o. Sarajevo od 30.08.2023.godine u kojoj je sadržan podataka da je usluga izvršena u periodu od 01.12.2018.god. do 31.12.2023.godina i produžava se automatski za još 12 mjeseci i potvrdu izdatu od CLOUDI IT d.o.o. broj: 001-08/2023-POT od 29.08.2023.godine u kojoj je sadržan podatak o izvršenim uslugama u periodu od 25.12.2022.god do 31.12.2023.god. i produžava se automatski za još 12 mjeseci. Obzirom da naprijed pomenute potvrde nisu valjane jer istim se potvrđuje izvršenje usluga za period koji tek predstoji, te usluge navedene u potvrdama nisu u potpunosti izvršene, ponuda ponuđača KODEKS d.o.o Sarajevo se ocjenjuje kao neprihvatljiva.

Preostale ponude ispunjavaju uvjete tražene tenderskom dokumentacijom. Nakon završene e-aukcije koja je bila zakazana dana 07.09.2023.godine i na osnovu kriterija „najniža cijena,“ izvršeno je rangiranje prihvatljivih ponuda ponuđača kako slijedi:

Rbr.	Broj protokola	Naziv/ Ime ponuđača	Ukupna cijena ponude (bez PDV-a)
1	06-11-5514/23-2	FIXIT d.o.o. Sarajevo	10.900,00
2.	06-11-5514/23-2	MIBO KOMUNIKACIJE d.o.o. Sarajevo	11.000,00



Imajući u vidu naprijed navedeno te da je ponuđač FIXIT d.o.o. dostavio ponudu koja je prihvatljiva i čija je cijena u okviru osiguranih sredstava za predmetnu nabavku, Komisija za javne nabavke je zapisnikom broj: 06-11-5514/23-3 K od 07.09.2023.godine dala preporuku ugovornom organu za donošenje Odluke o dodjeli ugovora ponuđaču FIXIT d.o.o. čija cijena ponude bez PDV –a za iznosi 10.900,00 KM.

Cijeneći navedeno odlučeno je kao u dispozitivu.

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od pet dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. FIXIT d.o.o. Sarajevo, ul. Zaima Šarca br. 34, Sarajevo
2. KODEKS d.o.o. Sarajevo, ul. Antuna Hangača, br. 1, Sarajevo
3. MIBO KOMUNIKACIJE d.o.o. Sarajevo, ul. Tvornička br. 3, Sarajevo
4. ARTCO GROUP d.o.o. Sarajevo, ul. Marka Marulića br. 2, Sarajevo
5. Služba za finansije;
6. Kabinet Općinskog Načelnika
7. Služba za zajedničke poslove (za objavu na WEB)
8. a/a

Izradila: Lejla Z.
Kontrolisao: Benjamin M.

